

死屍無諸穢濁惟海之類而受之耳吾僧法清淨亦如大海不受穢惡犯戒違禁非清淨梵行者一不得受棄之遠之猶海不受死屍此第八之德佛告目連如來大衆惟清淨爲禁戒業不純非釋種子故吾不說戒耳卿等善相勸戒無今正法有毀佛說如是諸比丘

歡喜受行

法海經

悔入德經

姚秦三藏鳩摩羅什譯

聞如是一時佛遊無勝國時在河邊常以十五日爲諸沙門說戒經佛坐靜默久而無言阿難整服長跪白曰沙門坐定樂聞清法世尊默然阿難三起白夜已半可說戒經世尊乃曰諸沙門中有穢濁者心邪行違言與法乖沙門之戒威神致重非彼下賤所能執行

清濁相違故吾不說尊德目連一心入定道眼淨觀具見彼心有可棄之行矣目連即謂之曰起非俗人所應坐處也彼不肯起牽臂使出曰汝無至德心懷六邪何敢以臭園之體坐天香之座汝是棄人非沙門矣目連即還就清淨座佛告目連子何一愚好喻

不出牽臂乃去佛告沙門靜聽吾言諸沙門曰唯然受教觀彼巨海有八美德其廣卽汪洋無崖其深則有不測之底稍入稍深無前所礙斯一德也海潮不過期先際斯二德也海含衆寶靡所不苞死屍臭朽海不容焉神風吹漂上岸之邊斯三德也海懷衆珍黃金白銀琉璃水精珊瑚龍紋明月神珠千奇万異無求不得斯四德也普天之下有五大河流行注海西流者名恒南流者名邪云東流者兩河一名沙陸一名阿夷越北流名墨五乃曰諸沙門中有穢濁者心邪行違言與法乖沙門之戒威神致重非彼下賤所能執行也五河万流霖雨終時立天地來雨落河注

海水如故益無增減斯六德也海有衆魚巨
舶巍巍第一魚身長四千里第二魚身長八
千里第三魚身長万二千里第四魚身長万
六千里第五魚身長二万里第六魚身長万
万四千里第七魚身長二万八千里斯七德
也海水通鹹邊中如一斯八德也以斯之故
質亮神龍欣心樂之吾經妙典亦有景德讀
之無盡其義日深梵魔帝釋無能測度猶海
廣遠甚深難測以斯之故諸沙門樂之斯一
德矣吾諸弟子更相檢率誦經坐禪禮儀景
式不失其時也猶海之潮不過期先際斯二
德也吾法清潔志在憺怕衣食供已不畜微
餘若有沙門志趣穢濁以法彈遣不得處廟
猶海弘裕不容臭屁斯三德也吾道衆經其
義備悉沙門潛思練去心垢貪姪恚嫉愚癡
衆穢猶若磨鏡瑩垢盡之又蕩微翳照無不
覩一坐自思存惟往古生死之源得無不知
二惟天地万物若幻夫有令會必當別離三

常慈心愍世愚惑作行顛倒不自知誤四自
精思既知往古又照未然衆生魂神所當趣
向吾向道以心淨爲珍寶沙門去穢得淨行
者其心喜之猶彼質亮樂海衆寶斯四德矣
吾道弘大合衆爲一帝王種梵志種君子種
下賤種來作沙門者皆棄本姓以道相親明
愚相進意如兄弟猶彼衆流合名曰海以斯
之故沙門樂之斯六德矣吾道微妙經典淵
奧上士得之一號溝港二號頻來三號不還
四號應真應真之道其心清淨猶天明珠垢
藏之德分身散體存亡自由住壽無極亦不
老病猶彼巨海有神龍魚以斯之故沙門樂
之吾之經籍義美甘露仙聖所不聞梵釋所
希覩往古來今無物不記邊中皆正猶海通
鹹亦以斯故沙門樂之夫見吾經者意皆趣
無爲矣海有八德吾經亦然阿難又起誓首
白曰東旦欲明願說重戒出尊曰自今之後
吾不復說重戒之經戒之不從恐彼神雷威

懲加之也吾以斯故不說戒經自今以往更相檢率以十五日會說戒經諸比丘起爲佛作禮

海八德經

四十二章經序

辭

昔漢孝明皇帝夜夢見神人身體有金色項有日光飛在殿前意中欣然甚悅之明日問群臣此爲何神也有通人傅毅曰臣聞天竺有得道者號曰佛輕舉能飛殆將其神也於是上悟即遣使者張騫羽林中郎將秦景博士弟子王遵等十二人至大月支國寫取佛經四十二章在第十四石函中登起立塔寺於是道法流布處處修立佛寺遠人伏化願爲臣妾者不可稱數國內清寧含識之類蒙恩受賴于今不絕也

四十二章經

後漢沙門迦葉摩騰共竺法蘭譯

佛言辭親出家爲道名曰沙門常行二百五十戒爲四眞道行進志清淨成阿羅漢者能飛行變化住壽命動天地次爲阿那含阿那含者壽終魂靈上十九天於彼得阿羅漢次爲斯陀含斯陀含者一上一還即得阿羅漢

次爲須陀洹須陀洹者七死七生便得阿羅漢愛欲斷者譬如四支斷不復用之

佛言除鬚髮爲沙門受道法去世資財乞求取足日中一食樹下一宿慎不再矣使人愚弊者愛與欲也

佛言衆生以十事爲善亦以十事爲惡身三

口四意三身三者殺盜婬口四者兩舌惡罵妄言綺語意三者嫉恚癡不信三尊以邪爲貞優婆塞行五事不懈退至十事必得道也佛言人有衆過而不自悔頓止其心罪來歸身猶水歸海自成深廣矣有惡知非改過得善罪日消滅後會得道也